

之考據兆之身若有玄圖帝簡綠字紫書金骨玉隨名書青宮九天自當遣四極真人下授兆身瓊文帝章也若有宿緣遭遇明師皆玄挺運會應得此文剋成上仙皆當齋金縉之信詣師清齋奉受修行元信盟天不啓靈真不降萬不成仙師傳謂以輕泄考及七粗長充鬼官明慎玄科慎勿妄宣

凡傳太霄琅書瓊文帝章當於高上空寂之間施飛羅之中於北面香餅麝香之物置之成以別盤以經置於飛羅之上師北向叩齒三十六通奉上請九靈元真玄始上官金仙玉女太一靈神監真直司五帝衆真今有某嶽先生王甲紫絡結胞宿命挺仙齋金縉之信求受靈文九天真諱瓊文帝章天科告慎誓寶靈真願遷神光玄暎下臣有泄之日歸身河源七祖謝罪不敢又仙畢以經章手執付弟子也訖以餅菓埋於玄嶽之中不得他用此九天王之秘奧太真之妙訣修學之士而無此文徒勞於空山無感於寂庭勳尚篤志思念九玄天王感悅遣玉童玉女侍衛兆身

九年之內剋乘飛瓊上昇九天

洞真太上太霄琅書卷之一

正一天師清微帝 洪百堅 製作



洞真太上太霄琅書卷之三

原缺卷二

左三

三乘要用

四極明科百訣第二

高上太真玉帝四極明科上官二十四條七

條諸官有過退削進號之目十七條黃赤

三洞五嶽篇錄格制威儀下宮二十四條

二十二條起左乙訖飛霄六十六卷日訣

二條有經受經法過得聖文法訣也次太

玄都左宮女青四極三十一卷獨立寶經明

科律文二十四條三十九章訖靈飛六甲五

十六卷日訣右宮二十四條三條三科目

訣六條洞玄三皇五嶽威神策高仙符金

液經方品格日訣十五條法服誦經齋戒

儀也中宮二十四條七條於世供養奉

肝投禮訣九條出入存念禁解忌穢卧息

便曲教月鉉訣八條受經對齋治齋傳授

信物三分不得遊邀次太上九真明科三

品律上品九條起傳大洞真經訖六甲八條

一條傳方文諸符訣中品九條誠罪篇日

下品九條贖罪條目三科難尋按此要用也

凡三乘所用大同小異心業所果大異小同  
自非通玄並未辯即急所行三科爲要要  
用之法精自揣量已所不堪慎勿強冒他所  
未任亦莫苦勸苦有相怨之災冒強致熱  
退之考精心鍊身以善改惡自試試人惡依  
妙訣居止冠衣供養啟告恭受施行傳授取  
與唯令恰恰不負幽明人鬼無負心身所能  
不怠於已不累於人不違師友不辱道真不  
畏讒嫉不愧親疎不疑遠近不惑尊卑不慙  
信誓不謝古賢賢聖必齋魔邪降伏三乘之  
人小有優劣耳

四極科序云夫有金石得受四極依科條奉  
四界司迎當絕陰陽勿與俗交生死之穢觸  
忤真靈啖食五葷悉衝胃府損精喪神裸身  
三光輕慢玉晨自收其欲禍滅兆身不得妄  
與常學談說經文評論玄古意通至真宣傳  
非所泄露道源妄示世人殃及七祖八節本  
命清齋燒香悔過帝君拔罪九陰解散七玄  
立春春分燃九燈中庭立夏夏至燃三燈立  
秋秋分燃七燈立冬冬至燃五燈本命十二

燈夜半出燈下向玉本命曰太歲叩齒二十  
四通微呪曰

高上太真萬聖帝皇五帝玉司總仙監真今  
日吉良八節本命開陳陽罪陰考絕滅九陰  
至於今始拔擢七玄免脫火鄉永離刀山三

塗五苦不累我身得同天地長保帝晨五願  
八會靡不知言畢解巾叩頭百二十額向地

已而勿令痛竟復中仰天心念我身今日上  
享天恩賜反形骸受生飛仙畢叩咽二十四

炁止如此三年宿愆盡除身與真同不履五  
苦脫過火鄉克得真人遊宴此房

上宮科云凡受上清不得增損天文破壞道  
經貼拭字體虧忽靈文三犯廢功斷事十年

更清齋首謝然後得還修行五犯左官所執  
七祖己身並充刀山受經寫一通凡下供養

別室安林林高五尺五寸以法天地之數廣  
長四尺九寸以應四時之名故經有四時之

號朝夕燒香禮拜經前以祈神明不得使雜  
俗之徒染穢履踏入室觸禁受經清齋別室

燒香不交人事淨染紙筆東向起經起經之

時不得口誦重文皆當比字三校不依古典  
脫失言句皆減算十紀失行考屬右官見世  
風刀求元莫度不得宣泄太一帝君之名以  
語非學之人北向後同

下宮科云凡有上經皆骨相合仙骨棄家放  
妻遊於五嶽長齋山林精思苦念正中而食

素水單瓢不勞苦寒晨夕无怠乃感帝皇玉  
司右別三元詣房三年策駕上昇太清若有

輕慢穢忽靈文宣傳泄露使世見聞違盟負  
誓殃及七玄己身刀山食火啖炭役負蒙山

之石以填積夜之河受上清寶經或因緣遇  
會未能棄家入山故在世間心崇意敬志向

玄靈盛起一通別室供養朝夕燒香出入禮  
拜如奉君父有事啓乞无不從心天遣玉童

玉女侍衛此經察子之心歸情宗奉神自感  
真隨願所欲獲災却患萬魔伏滅千精喪形

富貴吉昌官位與隆求道得道求官得官子  
孫熾盛金寶如林七年如法當有真人降于

之房與神交接授子要言不學自成不勞而  
仙故上士學道處於三運者也若遇而不受

亦其運也受而不信將其命也信而不寶真其罪也三者既備考述七玄已身被苦左右二官罰以風刀三塗五苦九厄八難萬劫得生不人之道

獨立明科旨訣第三

右官科曰高上太真玉皇帝君玉清真人萬仙衆聖得道靈人皆佩太真明科凡學之士受九真明科太上大道君受四極明科即是四明高聖玉訣

脩上清道經入室之日鹿皮帳中亦寫中紫表青裏帳廣四尺九寸長五尺五寸表二十四條裏十五條領帶同紫亦可玄冠女子太洞皆元君夫人紫紗裙用二丈四尺兩半三十六條身二十三條青紗裙四十五尺八幅幅四尺九寸合三十二條餘作裙襪男女並存玉童玉女各十二人典掌法服其入室時於戶外叩齒三通閉眼存室內紫雲之氣籙來冠身玉童侍左玉女侍右金光寶芝洞明內外呪曰  
天朗蒸清三光洞明金房曲室五芝寶生玄

雲紫蓋來映我形玉童玉女為我致靈九帝齊景三元同輯得乘飛蓋昇入紫庭舉引燕三十九咽後入室禮拜行事誦黃庭別有訣入室誦經五帝束帶四司陪位不得臨經住音與外人交言越略一句更却百言至五句却五百言始就誦失一句便誦一篇當日注經文心念神真不得他念以亂天音千言以下不得進飲千言以上至五千言得一進飲至萬言二進萬言以上三進不得妄進飲食萬言疲極得住消息後讀竟篇不得經宿男女同學亦得同室異牀向北男東女西不得坐起卧息混同一席先施金真制魔之符然後誦經三十九章坐方丈掃洒內外每令精淨燒香明燈斷絕外因供養之具几案中裏不得借人

中官科云有五名青宮受三十一卷未能遺累絕志幽山拘逼世務或山資未備亦得於世供養朝夕禮拜如奉君父有夫妻之對亦得修七經之道上真帝景夫人元君之胤皆得下降有道之人結對景之緣以炁相適亦

歷運所以供養師宗如奉神明入室燒香先存師所在心拜師前然後行事不得綺言妄語欺詐同學誘取經書毀謗師君造作无端露世寶訣以與不盟凡有金名得受寶經依科盟傳審有其人傳付之後弟子負違罪及師身男女同學共奉師宗入室齋戒當隨所學深淺次第同德以先後次之復同以長幼次之上德高才為大法師不得互爭不相推敬同奉盟師心意和美炁響相恭體行同一舉止齊并每令彼此同得道真俱受師道白日昇天不得更相攻伐聞亂同根口舌謹諱謔訕无端師盟既同形色不欺始能稱已許競取仙遂成殺敵如之冤家為四司所糾不得又仙  
凡受上清八節之日送金錄一雙青縉九尺以奉於師師得此信連條弟子共州郡縣鄉里姓名年月於九尺青縉縉上正中於玄微絕獄之側北向奏名青宮叩齒二十四通微呪曰  
天迴蒸射八道運精三五應期九祚代傾本

真玄寂輔臣帝靈玉札已御今奏青名謹辭  
九府五嶽司靈記我所列上開玉清三年之  
後來迎其形賜乘八景昇上帝庭

畢埋青繒於絕巖之下如此三年克有真降  
受科不奏此名則青宮無錄四司所亂同竊  
盜之罪若師先化或相去遙遠不得輸送錄  
物自得施行但錄送於師一節不送不得又  
仙凡修上道夷心寂意靜默守真出入存念  
唯道為身清齋執科計日成仙不得忿怒憤  
激結蒸煩冤罵詈呪引喚鬼神上觸天科  
○收起考官當念十天蟬飛蠢動已生未生成  
得道真成就不先願天普隆功滿德就計日  
成仙不得心懷伐逐手害有生嫉人勝已願  
人危顛觸行无善唯惡為先此禁尤重考結  
右官當念五藏六府肅清內夷外丹上下齊  
精寶華結絡神秀鮮明不得飲酒大醉溢盈  
譏倒藏府五神飛鸞願念不固所造不成內  
虛熱攻計日腐零如此之學徒勞心常當  
沐浴盥洗為急履履衣服不使污穢真靈遠  
離凶邪所乘不得妄入穢穢哭泣悲淚吊問

死喪出入三光冥眸息不得露結脫衣裸  
形踐慢身神耻辱真真真靈達逝空尸獨在  
不得妄與陰家共林坐起外悉不同之人共  
著衣服及同被卧息履履之屬更相交關不  
得北向本命之上二處便曲觸忤玉晨穢慢  
本真行皇華之通月餘朝會之日皆天悉攻  
伐二象交兵按紫書之訣術而故之不行此  
法不得修日月之法

凡受上經皆先對齋啓盟而傳若未得啓盟  
當告齋起經起經竟便盟而度之不盟而付  
師與得者同被左右二官所考禁限甚重未  
世求道者寡三天促運須贖輔正若有骨分  
得受此經依太上三天正一之法受經未周  
七年青簿至名玄格未定不得便為師太上  
常別遣三官司隸四部校尉周行天下有犯  
得經而泄之人即下女青救其七祖付火鄉  
鑊湯一掠焦魂乃履刀山萬劫還克負石之  
責已身及輕受之人並充風刀見世之考求  
死不得掠竟乃充刀山火鄉二十四獄三塗  
五苦萬劫還負石之役年限未周遇有五藏

合仙之人求請是經當度於先智法身不得  
以已未傳塞於求者之路若勸度三人合真  
其功德天玉帝右別告下四司削其罪名受  
經備信信以誓心准於割髮歃血之誓是信  
而受經謂之越天道元盟而傳經謂之泄天  
寶傳受之人各慎其負受弟子信二分散之  
一救山栖以鄉窮乏一供已法服一為弟子  
七祖立功市香膏之屬實信詣師未充科限  
受後年數應傳不得取信入已當選仙師備  
充前限然後乃得三分散之受信不散積聚  
營他窮乏之士无拯救之惠七玄父母无拔  
罪之功已身無有帝王之服虧神越法三犯  
不得又仙  
佩符帶科齋靜為務不得遊遊禁止凡處數  
與常俗交關口舌爭計意氣更相忿恨指引  
天地觸神犯禁八節太歲本命之日服上真  
靈符十五首以解宿德結過消滅風刀水火  
之考超出八難九年降真未備大經亦得單  
御此符別受盟信上金二兩紫文四十八告  
齋而傳受符各以其日入室燒香東向叩齒



二十四通咒曰

高靈玉真上聖九玄玉文固魄保形鎮神三  
 鍊九試我道自然超度鄧都永離刀山三塗  
 五苦不拘我身上告玉司注我名真青錄紫  
 簡得道之篇三元齊景九帝同軒得紫雲  
 上造斗辰福流七祖同獲上仙畢服符咽液  
 二十四過如法三年禍根既散克自神仙  
 凡受上清不見明科萬无成也此欲為學明  
 科為先見科而學不勞而成感掃香大恭奉  
 神明有犯輒悔明燈中庭吞咽真符消罪保  
 形玉帝感徹右別兆情玉司无有結罪之目  
 玄都无有亂罰之名天給童子侍奉兆身太  
 微冠帶於七祖南宮反形於更仙上真妙道  
 勤而奉行  
 凡有四極明科之身四司玉帝列兆之名上  
 言青官高聖太帝以上靈玉童三十六人西  
 華玉女二十四人奉衛兆身禳災却禍消罪  
 除患糾過賞功通神致真兆當燒香朝夕禮  
 拜一月三誦科文常謹備不得輕忽穢慢靈  
 文安向三人道說靈文身死形殘七祖克刀山

大運之周寶經應行七百年中遇有其人  
 而傳之受科交費五色錦繡各九十九尺鳳文  
 之羅四十八尺金龍玉魚各一枚玉札長一尺  
 二寸記文如左

其號年太歲某月朔某日時某州郡縣鄉里

男女官道士某徽先生姓名年若干歲某月  
 日時生命屬某嶽某帝君謹於玄嶽高山之  
 巖或某處館舍告誓九天上受四極明科奉  
 行道真乞注紫簡言名青官違盟負誓不敢  
 希仙師北向叩齒二十四通上啓

高靈玄虛九天大王明皇玉帝三十九真上  
 聖高玄萬仙道君監靈使者侍仙玉郎四司  
 五帝領真監仙今有上學道士某嶽先生男  
 女姓名修承大法奉受寶經凡若干卷沉在  
 未俗未能騰身抗志玄虛遊宴靈嶽與世不  
 別未見明科或見科忽習用負越上犯天  
 靈今依盟誓投情委命求受更請寶訣凡  
 如于卷并四極明科當如明文誓身九天的  
 當檢慎閉口奉修存神念具以期神仙授如  
 年限遇有真文當關九天然後而傳不敢輕

泄妄以示人上告萬靈下告五嶽三河九源  
 咸使知聞違盟德信七祖父母及某之身長  
 充左右二官考履刀山食火二十四獄三塗  
 五苦萬劫敢恨惟乞啓付降授真靈以玉童  
 玉女侍衛身形早得昇度飛行上清諸所禁  
 戒皆如盟文啓畢師左手執經科弟子右手  
 執信對向天而微言曰  
 上聖高玄萬帝虛微下世有願守固不移敢  
 告明科以檢衆非玉經寶訣皆如科感度身  
 之此萬惡總歸長保天地三景齊輝敢有泄  
 漏長謝四非  
 畢弟子置信於前受經北向九拜而去此盟  
 亦總度衆經衆雖各有盟四極總統也  
 凡无玉札用樺木淨者度事訖讀札埋於絕  
 巖之下若館舍堂壇可選簡中青宮格受經无  
 信埋札告於萬靈亦不感徹備信札不可不  
 投

九真明科首訣第四

中品戒罪篇

第一諸是後學七祖以下有殺害人命劫賊

攻掠謀圖姦姪莫逆之過九族交通謀及无道者志尚自勵首寫七玄重罪施散功德拔出幽魂披靈已身於三光之下散毋叩頭三年不倦自責重化救之九江贖解前於

第二已身先有重罪手殺人命及酷虐下賤殺害衆生劫掠百姓謀圖姦冗九族相交姁姁賢能伐逆師主者若志吐首効功施德拔靈三光散髮叩頭三年陳謝罰信投河以贖已德

第三凡是學者受三奇寶文上清秘經而輕泄目錄以示不同宣露妙秘輕慢寶章一犯至十罰功斷罪三年然後得更清齋修行過此以上皆罪結九陰也

第四凡受上清不得哭泣臨見死尸及血穢之穢一犯至十罰功斷事一年然後得休科自罰拔罪太陰更清齋行事二十四犯失經身喪

第五凡受上清不得魚近婦人行陰陽之事混染真炁十犯至二十四過犯功斷事三百日然後更清齋修行過此止身

第六凡受上清不得心懷賊害手行害暴殺生行凶貪略姦究始賢始能攻毀同炁伐敗經師一犯至五聽罰信謝責斷事十年得清齋修行所受過此至二十四身止

第七凡受上清不得比向便曲及食五辛六畜之肉飲酒作性虧道慢法疑二不專十犯至二十四聽依科罰信謝過太陰斷功一年然後聽清齋修行所受過此身止

第八凡受上清當依科賞信詣師告齋然後受經不得告盟而妄披寶文凡諸常人不輕略竊寫及改易聖文以意通訣毀名古音自作一法一犯至三斷功三年按科自罰投信九河更清齋三十日然後得還修行過此至二十四身沒鬼官

第九凡受上清當別室安高座高四尺四寸廣五尺請太上之經明燈燒香朝夕禮願常為供養不可使異炁之人冒躡履穢及婦人參入室內觸忤神真衣服履屐交關非類卧息坐起皆當與物有異犯者從一至二十四罰功斷事一年然後更清齋修行過此身止

下品贖罪篇

第一犯中品第一罪自責年竟當金銀九隻一兩金人一形投三河

第二贖真珠一斤書刀一口一兩金人一形投三河

第三金人一形真珠一斤書刀一口沉之

第四中庭夜半燃三十二燈

第五香湯沐浴於庭然二十四燈

第六私寶散乞貧民作百人食以飽飢乏

第七上香十斤送同學之人十處

第八清油一斛於中庭然燈多少適意唯今油盡又上香十斤奉有經之師

第九然七燈於堂前

九真篇曰凡受上法而不承明科虧略天禁罪累七祖考達一身既知改首罰責自屬還修所受而迴又犯其考倍先此則骨命不合形與真反魂與鬼伍皆不得重首復修於真經也今五品明科悟於未悟既知而犯將何要哉奉者慎之

凡能受法皆願遵科科條既兼年月積少短

生修之懼不能逾顧身屏營長可哀慈太慈  
垂教許有裁量自計所堪明順正典與不可  
違量不可謀對酌得所有感必通矣凡此九  
事有重有輕包羅先後幽顯无遺但一一行  
之歷歲方竟恐立功未周而罪對登至欲併

修促日復慮建德滋微而非科增考今取其  
元宜可共用三年三年之中備行九事精誠之  
至必獲感通三年无成非中人以上不足與  
語上不足語上行之徒勞耳不徒勞者成上  
真人功德三年有成成斯外大罪皆釋期  
內小過亦悉洗除密而行之精謹勿慢閉口  
无言驗可待矣

第一建齋及解投錄之時皆用三元之日為勝  
第二建解投錄之時本命之日為佳不知年  
者太歲甲子可也  
第三建解投珠之時六甲陰日為善甲子之  
陰在癸酉他効此  
第四建解皆用王相日時也  
第五建解取月在東井日始終得一便好  
第六建解用三會之日

第七建解用二十四悉之日

第八建解用八節之日

第九建解用成日

若千日之齋其間行諸法无有違解當計取  
所行之日依此上日餘日不可妄用魔好試  
難明加慎之

難明加慎之

凡建三年之齋或以千日為限先屏他事計  
資衣食法物之具同心之人皆令素定不得

齋中營求戲有公私吉凶驚異破壞齋體即  
啓解之後更精結首謝罪懺障礙致關惡愧

悚惕小犯可謝懺悔而已大犯不得過三犯  
三解後不得復建嚴慎唯謹不可妄與他論

凶人惡鬼嫉妬破人堅正却邪事則濟矣  
凡露燈遇風雨皆重為之三過不佳罪深災

重彌加首悔誠洗心限得九過須知乃倖  
他効此

凡齋皆用三元謝文隨宜增損歷言九事次  
第勿繁解一事後不須言九事之外不須

有語九事之中知與不知犯與不犯諦自思  
之知犯的謝懺故即洗不知漫陳亦自被原

不犯而謝亦无慊也至遠而尋之无始中來  
先世今世前身今身莫不犯此九科謝而解  
之必不重犯尅日得道了然无疑慮知之而  
不為為之而不精精之而不久久之必登  
聖真仙之高者也

洞真太上太霄琅書卷之三